



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD VISOKO
GRADONAČELNIK**

Broj: 09/3-45-1-13525-8/25

Datum: 09.11.2025. godine

Na osnovu članova 70., 72. stav (3) tačka a) Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24), Pravilnika o javnim nabavkama Grada Visoko broj: 01/1-02-179/24 od 31.01.2024. godine i Pravilnika o izmjenama i dopunama Pravilnika o javnim nabavkama Grada Visoko broj: 01/1-02-1481/25 od 29.08.2025. godine, otvorenog postupka javne nabavke za sanaciju Kazaferovog mosta sa pristupnim putem i uređenjem obale rijeke Fojnice pokrenutog Odlukom o pokretanju postupka broj: 09/3-45-1-13525/25 od 23.10.2025. godine i objavljenog na Portalu javnih nabavki Obavještenjem o nabavci broj: 870-1-3-110-3-96/25 dana 23.10.2025. godine, na prijedlog komisije, gradonačelnik donosi:

**ODLUKU
o izboru drugorangiranog ponuđača**

I

Odlukom o izboru najpovoljnijeg ponuđača broj: 09/3-45-1-13525-3/25 od 21.11.2025. godine kao najpovoljniji ponuđač izabran je Konzorcij HEM TRANSPORT – MUŠINBEGOVIĆ GRADNJA.

Komisija je konstatovala da ponuđač Konzorcij HEM TRANSPORT – MUŠINBEGOVIĆ GRADNJA po Odluci o izboru najpovoljnijeg ponuđača broj: 09/3-45-1-13525-3/25 od 21.11.2025. godine nije dostavio dokumentaciju iz člana 45. Zakona o javnim nabavkama.

U skladu sa navedenim, dostavlja se prijedlog ugovora drugorangiranom ponuđaču:

ADO-TRANS d.o.o. Visoko
sa cijenom ponude u iznosu od 32.399,99 KM bez PDV-a

II

Stavlja se van snage Odluka o izboru najpovoljnijeg ponuđača broj: 09/3-45-1-13525-3/25 od 21.11.2025. godine.

III

Izabrani ponuđač obavezan je dostaviti dokumentaciju iz člana 45. Zakona o javnim nabavkama u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji.

IV

Odluka stupa na snagu danom donošenja.

Obrazloženje

Grad Visoko je pokrenuo otvoreni postupak javne nabavke za sanaciju Kazaferovog mosta sa pristupnim putem i uređenjem obale rijeke Fojnice Odlukom o pokretanju postupka broj: 09/3-45-1-13525/25 od

23.10.2025. godine. Postupak je objavljen na portalu javnih nabavki Obavještenjem o nabavci broj: 870-1-3-110-3-96/25 dana 23.10.2025. godine i u Službenom glasniku BiH broj: 65 od 31.10.2025. godine.

U skladu sa članom 13. Zakona o javnim nabavkama BiH („Službeni glasnik BiH” broj: 39/14, 59/22 i 50/24) i Pravilnikom o uspostavljanju komisije za javne nabavke („Službeni glasnik BiH”, broj: 103/14 i 49/23) Komisija je imenovana Rješenjem o imenovanju komisije broj: 09/3-45-1-13525-1/25 od 23.10.2025. godine, u sastavu:

1. Adna Smajić, predsjedavajuća
2. Denisa Sirotanović, član
3. Nijaz Strukar, član
4. Abas Avdagić, sekretar

1. Zilha Sirčo, zamjenik predsjedavajuće
2. Almir Osmanbegović, zamjenik člana
3. Amel Aščalić, zamjenik člana
4. Andrea Mitrović Karačić, zamjenik sekretara

Zbog opravdanog poslovnog odsustva predsjedavajuće komisije Adne Smajić otvaranju ponuda je pristupila Zilha Sirčo kao zamjenik predsjedavajuće, dok je dalji rad u komisiji nastavila predsjedavajuća.

U roku za dostavljanje ponuda 13.11.2025. godine do 12:00 sati dostavljene su ponude ponuđača:

1. ADO-TRANS d.o.o. Visoko
2. Konzorcij HEM TRANSPORT – MUŠINBEGOVIĆ GRADNJA

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da su ponuđači koji su dostavili ponude preuzeli TD.

Dana 13.11.2025. godine u 12:15 sati Komisija je pristupila otvaranju blagovremeno pristiglih ponuda. Otvaranju ponuda nisu prisustvovali predstavnici ponuđača.

Zamjenica predsjedavajuće Komisije je pročitala cijene ponuda i to:

Red. br	Ponuđač	Ukupna cijena KM bez PDV-a	Popust
1.	ADO-TRANS d.o.o. Visoko	42.553,76	/
2.	Konzorcij HEM TRANSPORT – MUŠINBEGOVIĆ GRADNJA	42.717,10	/

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama („Službeni glasnik BiH”, broj: 39/14, 59/22 i 50/24).

Komisija je prilikom ocjene ponuda konstatovala sljedeće:

Ponuda ponuđača **ADO-TRANS d.o.o. Visoko** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač nije u okviru ponude dostavio dokumentaciju iz člana 45. Zakona o javnim nabavkama.

Ponuda ponuđača **Konzorcij HEM TRANSPORT – MUŠINBEGOVIĆ GRADNJA** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač nije u okviru ponude dostavio dokumentaciju iz člana 45. Zakona o javnim nabavkama.

U skladu sa navedenim, komisija je predložila zakazivanje e-aukcije sa sljedećom rang listom ponuđača:

1. ADO-TRANS d.o.o. Visoko – cijena ponude 42.553,76 KM bez PDV-a
2. Konzorcij HEM TRANSPORT – MUŠINBEGOVIĆ GRADNJA – cijena ponude 42.717,10 KM bez PDV-a

Ugovorni organ je zakazao e-aukciju dana 20.11.2025. godine u 12:00 sati.

Dana 20.11.2025. godine Komisija imenovana Rješenjem broj: 09/3-45-1-13525-1/25 od 23.10.2025. godine, u sastavu:

1. Adna Smajić, predsjedavajuća
2. Denisa Sirotanović, član
3. Nijaz Strukar, član
4. Abas Avdagić, sekretar

sastala se i pristupila uvidu u izvještaj o toku i završetku e-aukcije.

Komisija je konstatovala sljedeće:

U toku e-aukcije koja je započela dana 20.11.2025.godine u 12:00 sati, a završila istog dana u 12:37 sati došlo je do promjene cijena, te je najpovoljniji ponuđač nakon završene e-aukcije Konzorcij HEM TRANSPORT – MUŠINBEGOVIĆ GRADNJA sa cijenom ponude u iznosu od 32.300,00 KM bez PDV-a.

Komisija je predložila donošenje odluke o izboru najpovoljnijeg ponuđača: Konzorcij HEM TRANSPORT – MUŠINBEGOVIĆ GRADNJA sa cijenom ponude u iznosu od 32.300,00 KM bez PDV-a.

Donesena je Odluka o izboru najpovoljnijeg ponuđača broj: 09/3-45-1-13525-3/25 od 21.11.2025. godine, na osnovu koje izabrani ponuđač Konzorcij HEM TRANSPORT – MUŠINBEGOVIĆ GRADNJA nije dostavio dokumentaciju iz člana 45. Zakona o javnim nabavkama.

Komisija je predložila donošenje odluke o izboru drugorangiranog ponuđača – ADO-TRANS d.o.o. Visoko sa cijenom ponude od 32.399,99 KM bez PDV-a.

U skladu sa navedenim odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od 10 (deset) dana od dana prijema Odluke. Žalba se ulaže Ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.

Ako u roku za izjavljivanje žalbe nije dostavljen dokaz iz člana 105. stav (1) tačka i) Zakona o javnim nabavkama o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, ugovorni organ odbacit će žalbu kao neurednu bez pozivanja žalioaca na dopunu ili ispravku. Na ovaj zaključak ugovornog organa žalilac nema pravo žalbe URŽ-u i on je konačan. Protiv ovog zaključka žalilac može pokrenuti upravni spor pred Sudom BiH u roku od 30 dana od dana prijema. Tužba za pokretanje upravnog spora ne odgađa izvršenje pobijanog zaključka, ako Sud BiH ne odluči drugačije.

Dokaz iz člana 105. stav (1) tačka i) o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak dostavlja dokaz o uplati i kopiju bankovnog izvoda računa sa kojeg je izvršeno plaćanje.

Ako je uplata naknade za pokretanje žalbenog postupka izvršena iz inostranstva uplatilac je uz dokaz o uplati dužan dostaviti i SWIFT kao dokaz o uplati.

Ugovorni organ pri razmatranju žalbe vrši provjeru uplatnih elemenata sa dokaza o uplati u skladu sa Naredbom o uplatnim računima za administrativne takse i naknade Ministarstva finansija i trezora BiH ("Službeni glasnik BiH", broj 30/23 i 61/24) i Uputstva o praktičnoj primjeni Zakona o izmjenama i dopunama Zakona o javnim nabavkama ("Službeni glasnik BiH", broj 50/24) od strane Agencije za javne nabavke BiH.

Naknada za pokretanje žalbenog postupka propisana članom 108. Zakona o javnim nabavkama ("Službeni glasnik BiH" br: 39/14, 59/22, 50/24) uplaćuje se na jedan od navedenih računa i prema sljedećoj instrukciji:

Depozitni račun broj: 3380002210018390 (UniCredit Banka d.d. Mostar),
Depozitni račun broj: 5517902220404858 (UniCredit Banka a.d. Banja Luka),
Depozitni račun broj: 5556000060067744 (Nova Banka a.d. Banja Luka) i
Depozitni račun broj: 1341021020000276 (Asa banka d.d. Sarajevo)

Polja koja se odnose na uplate javnih prihoda moraju biti popunjena na sljedeći način:

1. Broj poreskog obveznika treba da sadrži jedinstveni matični broj građanina, ukoliko uplatu vrši fizičko lice. Ukoliko uplatu vrši pravno lice treba da sadrži trinaestocifreni identifikacioni broj pravnog lica;
2. Vrsta uplate za svaku uplatu treba biti '0';
3. Vrsta prihoda: 722 586 (Naknada za pokretanje žalbenog postupka);
4. Opština treba da sadrži šifru opštine prebivališta tj. sjedišta uplatioca;
5. Poreski period treba da odgovara datumu uplate;
6. Budžetska organizacija: 0405999 ;
7. Poziv na broj treba popuniti brojevima '0'.

Dostavljeno:

1. ADO-TRANS d.o.o. Visoko,
2. Konzorcij HEM TRANSPORT –
MUŠINBEGOVIĆ GRADNJA,
3. Evidencija,
4. a/a.-

